

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De SS. martyribus, Simeone episcopo, Vsthazane Eunicho, multisque alijs.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

atque ibi humatum est, vita aurea capiti imposta in virginitatis testimonium: porrò capiti supposito puluinari serico, violis impletio. Additum est ad caput linteum serico ornatum, in signum innocentia & sanctitatis eius: atque etiam instrumentum laboris sui. Denique monumentum eius, ut solet sanctorum, aliquantisper eminebat supra terram, & corpusculum eius reuerenter inclusum est in sarcophago cedarino, quod positum est in querno sarcophago solidissimo, fortissimis seris munito.

Mox autem vtriusque sexus hominum magna currit multitudo, visura tam stundum nouae rei miraculum: Ies vero foemina Christiana, Iudeorum ancilla, quae ea, quae de sancto puer commemoauimus, & vidit & audiuit, ordine exposuit gestare rei modum & seriem, dixitque puerum triduo suspensum, & globo in os impreso clamandi facultate priuatum, flagellatum, incisum, sanguine eius in quandam vnam excepto, cum summa patientia & laudibus Dei spiritum reddidisse: se quoque in ipso pœnarum ei illatarum initio iudicem aduocasse. Cum hac ita peracta essent, omnipotens Deus illic sanctum puerum magnis & stupendis illustravit miraculis: cæcis visus, surdis auditus, claudis gressus, mutis loquela, aridis, paralyticis, luis montis & quibuslibet male affectis sanitatis, & mortuis vita restituta est. Immò vero usque præsens multuaria per martyrem suum Christus miracula operatur. Passus est la. sanctus puer anno Christi millesimo ducentesimo octogesimo septimo, tertio decimo Calendas Maij.

ILLVSTRE MARTYRIVM S. SIMEONIS EPISCOPI, VSTHAZANIS EVNVCHI, ET MVL.

torum aliorum, ex Historia Ecclesiastice Sozomeni lib.

2. cap. 8. &c. interprete Iohanne Christo-
phorsoni Anglo.



VM tempore progrediente numerus Christianorum ^{21. Aprilis.} apud Persas vehementer cresceret, adeo ut conuentus agere, & sacerdotes ac diaconos habere coeperint, hæc res non mediocriter offendebat animos Magorum, ^{Magi apud} qui velut tribus aliqua aut sacerdotalis stirps successio. ^{Peras.} ne quadam religionem Persarum indè fere ab initio administrauerant: Iudeos quoque permagna affectit molestia, qui præ inuidia, naturaliter quodammodo ipsis insita, religioni Christianæ semper infensi esse solent. Et ob eam causam Simeonem, id temporis Seleuciae & Ctesiphontis, vrbis in Perside primaria, archiepiscopum coepérunt apud Saporem, tum regem Persarum, acculare, quod Imperatori amicus esset, quodque ei res Persarum proderet. Quorum calumnij persuasus Sappores, primò omnium tributis immoderatis eō affligit Christianos, quod ipsorum quamplurimos voluntariam egestatem excolare nō rat. Deinde viris difficilibus & inhumanis illorum tributorum exigendorum potestate in dat: ^{Voluntaria pauertas Christianorum.} quod in opia pecunia, & exactorum feritate coacti, suam religionem alipernari inciperent. de qua vna re summoperab ab eo laboratum est. Post hæc sacerdotes & ministros Dei gladio trucidari, ecclesiæ dirui, carum thesauros ac monumenta in publicum proferri, & Simeonem, ut regni Persarum & religionis proditorem, adduci iubet.

Itaque Magi ope Iudeorum, qui in ea re eos alaci animo iuuabant, ecclesiæ demoliri, Simeonem comprehensum & catenis ferricis vincitum, ad regem deducunt: qui seibi & spectatum & strenuum virum præstabilit. Nam cùm Sappores eum, ut dare- ^{Simeonis} tur in quæstionem, introduci iussisset, neque veritus est quicquam, neque regem adoravit. Quare grauiter commotus rex, sciscitatur quid sit cause, cur iam neutiquam ipsum adoret, cùm antè id fecisset. Cui Simeones: Non antè, inquit, deductus eram ad verum Deum prodendum: & propterea non recusabam debitos honores regi præstare: at iam idem ipsum facere fas non est. Nam iam pro pietate & nostra religione decertatur venio. Quæ cùm dixisset, iubet rex ut solem adoret. Quod quidem si facere ve- ^{lit,}

lit, pollicetur se ei multa daturum munera, & in magno honore habiturum. Sin autem detrectet, & illum, & vniuersum Christianorum genus è medio sublaturum minatur. Vbi verò Simeonem neque minis terrere, neque promissis flectere posset, sed virili & constanti animo affirmantem, se nunquam vel solem adoraturum, vel suam ipsius religionem proditum audiret, iubet in vinculis aliquandiù teneri, ratus, vt videtur, eum velle resipiscere. Quem in carcere deductum conspicatus Vthazanes senex Eunuchus, educator Saporis, & in familia regis principem locum obtinens, consurgens,

Ducitur in carcere.
Bile h̄c intellige ex-miūm quēdam iūtiq̄ præterit, quōd cūm esset Christianus, paulò antē vi coactus, solem adorauerat. Qua-zelum. rē Vthazanes Eunuchus fundere lachrymas, ingemiscere, vestem splendidā, qua erat p̄enitentia. indutus, extere, & tanquam homo in luctu constitutus, nigrā circumj. cere cœpit: pro portis regiæ sedet, lamentatur, plorat cum gemitu, sicque ait: Heu me miserum, qualem erga me Deum fore debo exspectare, quem iam dudum denegauerim? Nam ob hanc causam Simeones, ne verbum mihi loqui dignatus, sic ore auerso properè prætergressus est.

Vbi ista resciuit Saporess, illum accersit, rogit causam luctus, & ecqua illi in ædibus obtigis est calamitas. Cui Vthazanes: In hisce, inquit, ædibus, ô rex, nihil mihi accidit infortunij. Vtinam enim pro eo, quod mihi contigerit, in omnia alia calamitatum genera incidunt: quippe id quidem certè fuisse tolerari multò facilius. Iam verò lugio, quōd maneam in vita, quodque cūm dudum mori debuisssem, adhuc tamen foliem videam, quem, quōd tibi gratificarer, non reuerà ex animo, sed specie solū simulata adorauerim: adeò vt vtraque de causa mortem meritus sim: tum quōd Christi proditorem, tum quōd veterarem erga te meisplū ostenderim. Quæ cūm dixisset, cali & terræ opifem Deum cum iureuando testatur, se in posterum de ea sententia nunquam destitutum. Saporess autem incredibilem Eunuchi mutationem vehementer admiratus, grauiore quidem iracundia in Christianos exarsit, perindè quasi illi præstigijs hanc rem confecissent: sed tamen misericordia erga senem commotus, modò mansuetum, modò ferum se in illum ostendit, atque omnibus viribus laborauit, vt de sententia deduceret. Vbi nihil profecit, constanter assuerante Vthazane, se nunquam tam stultum fore, vt pro omnium conditore Deo res ab eo conditas collat, tum ira inflammatus, mandat caput ense ceruicibus abscondi. Ad quod supplicium à lictoribus deductus Vthazanes, orat eos, vt paulispēr exspectent: rem enim se animo tenere, quam regi significare velit. Vocato igitur ad se eunicho sibi fidelissimo, iubet ista Saporis nunciare: Quam tandem benevolentiam ab inente adolescentia ad hoc usque tempus, ô rex, erga tuam familiam præstiterim, & quanto studio tum patri tuo, tum tibi inservierim, nullis videor egere testibus, apud te præsertim, qui hæc satis exploratè cognita habeas. Quarè pro omnibus officijs, quæ in vos aliquando tam benevolè contulerim, hoc mihi vnum velut remunerationis loco concede, vt his, qui me ignorant, non videar tanquam infidus erga regnum tuum, aut in aliquo maleficij genere depræhensus, istud supplicium subire. Et quōd hoc pateat omnibus, fac præco palam prædicet, caput Vthazani amputatum esse, non quōd improbitatis cuiusquam in palatio ab ipso admisæ conuictus sit, sed quōd sit Christianus, & Deum suum, quōd regis voluntati morem gereret, negare noluerit. Atque ista quidem regi nunciavit eunuchus: Saporess autem eadem, sicut Vthazanes postulauerat, præconem prædicare iubet. Nam ratus est alios prompto ac parato animo de religione Christiana descituros, si certiores fierent, nemini Christiano misericordiam tributam fore, quippe cūm Vthazanes senex, educator regis, ei familiaris & benevolus, etiam esset interfectus. At Vthazanes ad alium finem supplicij sui causam prædicari tam impensè desiderauit: siquidem cogitauit, quōd sicut, quando timore perterritus solem adorauit, multis Christianis metum iniecerat: sic iam non pauciores ad suam animi magnitudinem & constantiam imitandam incitaret, si modò intelligerent, cum pro religione Christiana trucidatum esse.

Cap. 9.
Vthazanes petit à rego causam ne capite plecitur.
Hoc modo Vthazanes vitam, quam h̄c in maxima gloria traduxerat, deseruit: Si meones autē de eius morte in carcere certior factus, Deo gratias pro illo egit. Postidiē eius diei, qui erat sextus dies hebdomadæ, in quo ante celebrē diem festum resurrectionis, memoria salutaris Christi passionis quotāns recoli solet, decernit rex, vt Simeones gladio feriatur. Nā antē denuò è carcere deductus ad regē, forti & magno animo cum

cum Sapore de fide Christiana disseruit, & neque illum, neque solem adorare voluit. Eodem die centum alios quoquè, qui erant in carcere, rex itidem obtruncari iubet: 100. martyres. Ad extremum Simeonem, cum ceterorum omnium mortem oculis adspexisset, res cū Simeone ceduntur. Horum pars episcopi, pars presbyteri, pars ex aliorum clericorū ordine fuerunt. Cū omnes ad locū, in quo erant necis suppliciū subituri, dederentur, principes Magorū percunctatur ab illis, utrūm velint viuere, & eandē cum rege religionem colere, solemque venerari. At vbi nemo eorum his conditionibus vellet in vita manere, rectā ad locum, in quo erant securi feriendi, deducuntur. Ac dum lietores in opus incumbunt, & in cæde martyrum occupantur, Simeones adstans illis, dum interficiuntur, iubet bono animo esse, verbaque apud eos facit de morte, de resurrectione, de pietate: & testimonij ex sacris literis depromptis confirmat, ita mori, esse verè viuere: atque præ ignavia Deum prodere, esse verè mori. Eos enim, etiam si nemo ipsis necem asserret, breui morituros, quandoquidem à nemine in hanc lucem edito hic finis vita-ri potest. Post mortem vero ea, quæ sunt æterna, non eodē modo omnibus eventura: sed singulos velut trutina quadam examinatos, accuratā vitæ anteactæ rationem reddituros: & hos pro rectè factis præmia percepturos immortalia, illos pro maleficijs poenas sempiternas luituros. Denique pro Deo velle mori, esse in bonis summum & rem multò beatissimam. Dum ista Simeones dicendo percurreret, & tanquam magister gymnasij præciperet, quo modo in certaminibus se gererent, singuli aures atten-tas ei præbentes, ad necem cupidè gradiebantur. Lector autem, postquam centum illos interemit, postremo in loco Simeonē obtruncauit: atque Abedechalaam & Ananiam vñā, ambos senes, presbyteros ecclesie, cuius Simeones erat episcopus, pariter cum illo & compræhenso, & in vincula coniectos.

Eodem tempore Pusices, præfatus omniū regis artificum, ibi fortè stans, cū videret Ananiam, cui iam cædes parabatur, contremiscentem: Paulisper, inquit, clara virtus. ô senex, oculos occludito, & bono animo esto. nam statim lumen Dei videbis. Vix est hæc locutus, cū compræhensus est, & ad regem deductus. Atque cū esset se Christianum confessus, quoniam libero ore apud regem pro religione Christiana & pro martyribus verba fecerat: idcirco quasi aliquid nefas dixisset, dabatur lictoribus mandatū, vt admodum peregrino & crudeli in primis mortis genere afficeretur. Lietores igitur collo eius circa ceruicem perforato, illac lingua extrahunt. Porro autē eius filia virgo, falsō à quibusdam in crimen vocata, cōpræhenditur, codemq; temporis articulo occiditur. Sequenti anno, eo ipso die, quo memoria passionis Christi recoli solet, cū iam celebres dies festus Resurrectionis expectaretur, exiit edictum Saporis crudelissimum in vniuersam Persidem, quod iubebat, vt omnes, qui se confiterentur Christianos, morti addicerentur. Quo quidem tempore multitudo Christianorū, quæ ne numerari quidem potest, securi percussa est. Siquidem Magi eos ex vrbibus & vicis, in quibus latita- Christiani bant, summa cū diligentia eruerunt. Nonnulli autē sua inducti voluntate, nemine eos perimunduente, se ipsi ideo indicarunt, nè silentio Christum denegare viderentur. Ac dum omnes, qui erant Christiani, morte multarentur, plurimi etiā, quī in ipso palatio æta- tem egissent, maestati sunt: in quorum numero erat Azades eunuchus, regi longè cha- Azades rissimus. Quem cū Sapores imperfectum accepisset, incredibilem animo dolorem marty- hausit: hancque communem cædem sedauit, atque solos religionis nostræ doctores trucidari iussit.

Per idem tempus regina in morbum delapsa, Tarbula soror Simeonis episcopi, san- Cap. II. ta virgo, simul cum ancilla, idem vitæ genus colente, & sorore eius, quæ post viri mor- Vñardus tem abstinuit à nuptijs, & eandem viuendi rationem tenuit, compræhenditur. Causa has habet autem, cur hæ mulieres fuerint compræhensæ, fuit falsa criminatio, à Iudæis in eas conficta, quod videlicet ob mortem Simeonis iratae, venena reginæ insidiosè paraf- sent. Regina vero (solent enim ægrotantes malis omnibus facile aures accommodare) calumniam veram esse, & maximè quidem, quod erat à Iudæis obiecta, existimauit. Nam eiusdem erat cum Iudæis opinio, ad eorum morem vitam instituebat, & vera- fuisse. Illos, sibi que maximè benevolos putabat. Magi igitur Tarbulam & reliquas duas Tarbulæ & arreptas, morte condemnant: ac cùm ferræ dissectas patibulis suffixissent, efficerunt, duarū foro- vti regina spatium inter patibula intermissum transiret, perinde quasi morbus eo supponit. pacto depelleretur. Fertur, hanc Tarbulam forma valde liberali & honesta fuisse, Magum quandam eam deperisse, mercedemque, vt cum illa rem haberet, clam mi- fuisse: promisisse denique, si vellet ipsius parere libidini, tum eam, tum socias saluas fore.

At

At illam hanc turpitudinem ne audire quidem voluisse, sed nuncios verbis contumeliosis excepisse, intemperantia crimen cum probro illis obiectasse, se multo libentius velle mori, quam virginitatem prodere, respondisse. Porrò cum editio Saporis ratum esset, ut supra demonstratum est, ut soli sacerdotes & doctores fidei Christianæ comprehendenderentur, Magi & corum principes, totam Persidem obeuntes, episcopos & sacerdotes graibus afficiunt in commodis, cum in alijs locis, tum maximè omnium in Adiabenorum regione, quæ est pars Persidis, tota fidei Christianæ dicata. Hactenus omnia ex Sozomeno, qui eiusdem libri capite 12. etiam hæc addit: Isto Sapore regnante, infinita multitudo presbyterorum, diaconorum, monachorum, sanctarum virginum, & aliorum, qui in ecclesiaram ministerio versabantur, & erga religionem præclare animo affecti erant, egregia pia vita testimonia dedit.

Clero vel
maximè in-
fensus Sapo-
res.

VITA S. ANSELMI CANTVARIENSIS AR-
CHIEPISCOPI, AB EDINERO ANGLO EIVS
coniuctore, duobus libris conscripta.

PROLOGVS F. EDINERI.



Voniam multas & antecessorum nostrorum temporibus insolitas rerum mutationes, & nostris diebus in Anglia accidisse & coaliuisse conspeximus, nè mutationes ipsæ posterorū scientiam penitus latenter, quædam ex illis succinctè excepta, literarum memorie tradidimus. Sed quoniam opus ipsum in hoc maximè versatur, vt ea, quæ inter reges Anglorum & Anselmum archiepiscopum Cantuariorum facta sunt, inconcussa veritate designet, quæque omnibus puram illorum historiam scire volentibus, tunc temporis innotescere potuerunt, licet in culto, plano tamen sermone describat: nec adeò quicquam in se contineat, quod ad priuatam conuersationem, vel ad morum ipsius Anselmi qualitatem, aut ad miraculorum exhibitionem pertinere videatur: placuit quibusdam familiaribus meis, mead hoc sua prece perducere, vt sicut descriptione notarum rerum posteris, ita designatione ignotarū fatigemus tam futuris quam & præsentibus aliquod officij mei munus impendere. Quos eò quodd offendere summoperè cauebam, dedi operam voluntati eorum pro posse morem gerere. Opus igitur ipsum de vita & conuersatione Anselmi archiepiscopi Cantuariensis titulatum, taliter Deo adiuuante curauit disponere, vt quanvis aliud opus, quod praesignauimus, ex maiori parte de eiusdem viri conuersatione subsistat, ita tamen in sua materia integræ narrationis formam prætendat, vt nec illud istius, nec istud illius, pro mutua sui cognitione, multum videatur indigere. Plenè tamen actus eius scire volentibus, nec illud sine isto, nec istud sine illo sufficere posse pronuncio.

VITÆ S. ANSELMI CANTVARIEN-
SIS ARCHIEPISCOPI,
LIBER I.

21. Aprilis.

Parentes S.
Anselmi.

Patria.

Pater eius
prodigus.



Instituta vitæ & conuersationis Anselmi Cantuariensis Archiepiscopi literarum memorie traditurus, primò omnium vocata in auxilium meum summa Dei clementia & maiestate, quædam breuiter dicam de ortu & moribus parentum eius, vt hinc lector aduertat, de qua radice prodierit, quod in studijs nascituræ prolis postmodum fulsit. Pater igitur eius Gundulfus, mater Ermerberga vocabatur. Vtrique iuxta seculi dignitatem nobiliter nati, nobiliter sunt in Augusta ciuitate conuersati. Quæ ciuitas confinis Burgundia & Longobardia, Ermerbergam in se edidit: Gundulfum, in Longobardia natum, ciuem suum ex aduena fecit. Coniuncti sunt lege coniugali, ambo diuitijs non ignobiles, sed moribus ex quadam parte dissimiles. Gundulfus enim seculari deditus vita, nō adeò curam suis rebus impendere, sed habita frequenter ab re distribuere, intantum, vt non modo largus atque